

丁文誠公奏稿

丁文誠公奏稿

卷之二十目錄

請復鋪兵舊額摺 光緒六年五月十九日

遵 旨復開機器局摺 光緒六年五月十九日

保薦薛福辰片 同日

查看南坪番寨並勘水災片 光緒六年六月十八日

戕邊夷匪滋事派勇勦捕片 光緒六年六月十八日

覆陳司庫歷年減成減平各款無存摺 光緒六年七月十七日

川鹽濟楚未能即停仍減引辦理片 同日

查彙野番滋事派員查辦片 光緒六年八月十九日

黔省鹽稅各款由川徵解片 光緒六年八月十九日

勦辦峩邊夷匪並勦捕雷波野夷摺

光緒六年九月初二日

時局多艱敬抒管見摺

光緒六年九月二十三日

黃林材游歷回川片

同日

勦辦峩雷夷匪獲勝分別勦撫摺

光緒六年十月二十三日

野番勾串瞻夷攻圍官寨查辦情形片

同日

夔關短徵額稅由宜漢兩關劃抵摺

光緒六年十二月二十三日

峩邊夷匪肅清摺

光緒六年十二月二十八日

攻克查朶裏塘肅清摺

光緒六年十二月二十八日

請飭駐藏大臣勘明內地疆域劃界立碑片

同日

奏

遵

旨復開機器局摺

光緒六年五月十九日

奏爲遵

旨復開機器局製造洋槍各件現已擇日開工謹恭摺具
奏仰祈

聖鑒事竊

臣

於光緒三年奏設四川機器局製造洋槍以

資利用經營兩年費用極省規模已定旋因恩承等奏請
停辦

臣

謹卽遵

旨茲撤嗣欽奉

上諭仍飭

臣

酌度辦理

臣

時因局已停撤所有承辦委員

候選同知曾昭吉已經回湘隨帶來川之製造工匠均與
偕歸其在川招募入局教練者亦各以無業紛散而

臣於

設局之初並未雇用一洋人曾昭吉等既已遣歸卽無人
可以承辦一時驟難舉行當經據情奏請暫緩在案嗣又
欽奉

批諭著

臣

仍設法興辦毋使廢墮欽此

臣

跪誦之下欽悚

莫名當卽商之原辦該局成縣道崇綱候選道黃錫燾候
補道勞文翻等派員攜札前赴湖南飭調曾昭吉並令將
熟習機器製造各工匠隨帶前來茲於六年三月抄曾昭
吉等始行到川臣卽飭令擇期於四月十八日開局仍令
製造洋槍等項務求精良以期合用查臣在川所設機器
局係照前在山東時辦法凡製造一切不稍借助洋人而
川局於不用洋人製造之外所有應用機器多係自行創

造亦並不全借於洋而其中尤有可取者臣設局時以製造一切煤炭最爲大宗而川省煤價素昂製造需用尤鉅所費頗爲不資此在各省機器局皆然卽外洋亦不能於此稍有節省臣因與曾昭吉熟商欲得一辦工而兼可省費之法乃曾昭吉心思精一積思數月竟能設法造爲水機器專取水力而不用火工辦成之後臣詳細查看其用水僅三五寸而卽可以敵二十匹馬力之鍋爐日可省煤一千數百觔合計每年約可省煤銀四千餘兩此誠爲機器之利用去年奏請停辦臣於此深爲惋惜此時復開已令將水機器所用之水輪鐵板閘座等項從新整理現均一律完善亦經開辦此時局中惟鍊鐵一項尙需用煤此

外則全資水力極爲便宜臣以後惟有嚴督該員等殫精研思悉心經理務令製造精益求精俾臨用時可期得力以仰副

聖主慎重武備實事求是之至意至該局機器事務極爲繁細臣現又訪得高啟文一名係貴州監生於機器各項亦極練悉從前曾在上海歷練多年堪與曾昭吉相助爲理臣已延之赴局酌給薪水俾其一同承辦製造庶多一得力之人卽多收一得人之效所有川省復開機器局現已擇日開辦緣由謹恭摺具陳伏乞

皇太后

皇上聖鑒訓示謹

奏

保薦薛福辰片

光緒六年五月十九日

再查添設機器製造槍礮軍火實爲今日要圖從前臣在山東創辦機器局製造火藥早經迅速告成現在山東撫臣周恆祺悉心經理隨時與臣往返函商均謂該局軍火精美足與外洋相埒工費亦極節省頗敷各海岸防軍之用臣不勝欣幸因念該局辦理成功亦殊不易當日創辦之始賴有二品頂戴按察使銜前山東濟東泰武臨道薛福辰精強廉正於購器則洞曉利弊於督工則嚴明有法用能規模閎整製造精良其經營創始之功殊不可沒且該員於中外大勢尤能洞澈機宜確有心得素爲曾國藩李鴻章所重竊維現在籌辦海防不獨東北各省關繫緊

要卽東南如福建等省皆有外洋交涉要務本有製造事宜均屬需才孔亟近日復欽奉

諭旨飭令各直省保舉各項人才所有堪膺保薦人員應俟體察確實卽行恭疏遵

旨陳奏查薛福辰係臣久經任使且曾任煩缺之員其於諭旨內熟悉中外交涉事宜善製船械各條均能勝任用之已著明效臣不敢壅於

上聞謹據實附片具陳以供

聖明錄用伏乞

聖鑒謹

奏

查看南坪番寨並勘水災片

光緒六年六月十八日

再川省南坪營地方與甘省階文所屬番地處處毗連犬牙錯處此次階文番匪倡亂南坪一帶番寨亦有暗被煽惑者幸經派往防剿之總兵李培榮督隊兼程馳進直抵瓜子溝逆巢連界之野豬關扼紮絕該匪往來通信要道該匪聲息遂不能通而提督莫組紳又帶隊駐紮平武縣屬之青口各隘以杜該匪等南竄之路又經甘省派出各兵勇勦辦迅速首逆就擒兩省邊境一律肅清現在地方均屬安靜惟查南坪至松潘一路縱橫千餘里番寨林立且人情強悍從前曾經叛亂破城戕官頗費兵力此次階文番匪煽亂辦理雖尙妥協而犬羊之性難保不暗蓄戎

心臣因就此兵威札飭該總兵李培榮於撤回勇隊時令由漳臘松潘一路整隊徐行所過之處順道傳喚各該番寨土目喇嘛人等來營見面休之以利害曉之以大義俾其震我兵威懾其異志庶期日久相安茲據該總兵李培榮稟稱該總兵於南坪拔隊之時卽取道漳臘松潘一帶經歷各番地共大小三百數十寨所有各寨番目喇嘛人等均經先期一日傳知前來行營聽候宣諭各番目喇嘛等有一經傳喚而卽至者有不待傳喚而已至者沿途經過之處各皆環立迎迓極爲小心該總兵均一一接見剴切諭導宣布

朝廷威德令其各安住牧毋許生心各該番目喇嘛等均

皆咸懼伏地叩頭同稱願出具永不取滋事甘結查看情形實係出於至誠似可永遠安輯足以上慰

宸廑惟據稟南坪地方於五月二十日雷電交作大雨如注歷半時許各處山水陡發低窪地土多被淹浸牲畜亦有衝沒幸人口尙無損傷等語旋據該廳營地方官稟報亦同查南坪上年地動成災甫經委員賑恤本年又復被水荒微番夷遭此災害頻仍情殊可憫惟是否成災及成災輕重若何現已委員前往會同地方官確切查明稟復再行籌款分別賑濟以恤災黎而廣

皇仁所有南坪撤回營勇飭令沿途鎮撫松潘漳臘一帶番夷及南坪地方被水委員查辦各緣由謹附片具陳伏

乞

聖鑒謹

奏

戕邊夷匪滋事派勇勦捕片

光緒六年六月十八日

再嘉定府屬戕邊廳夷地與敘州府屬馬邊夷地接壤查
戕邊夷匪同治十二年曾經滋事經前督臣吳棠派兵勦
撫始各畏罪投誠臣等到川後查悉該夷等犬羊成性狡
黠難馴且該夷有生熟之分生夷向不輕易出巢熟夷則
與邊民素相往來往往貪得邊地民財輒勾引生夷不時
出沒以圖搶擄習爲故常迭經嚴飭該廳營文武率同廳
營兵勇隨時巡防茲據戕邊營參將倪天元義邊廳通判
楊銘稟稱本年四月二十一日有馬邊烏拋夷匪百餘人
竄至廳屬麁子溝杉林岡燒燬房屋擄掠漢民男婦並牲
畜衣物多件殺傷張壽潰田大倫並女孩三口又於二十

九日五月初三等日復潛竄大香鑪麻池岡一帶擄掠男婦數十餘人殺傷三人燒燬民房數十間已派鎮遠營哨弁吳國昇外委戴占彪趙得勝各帶兵勇分路堵剿請派撥勁勇前往會同勦辦等情前來臣等查該夷匪等敢於糾衆出巢肆行擄掠焚殺情殊頑梗惟其性情反覆無常非示之以兵威不足以資震懾當派管帶泰安右營副將林叢文代理武字副前營總兵唐珊峯各帶所部勇丁馳往峩邊會同該廳營文武查看情形妥籌剿捕務將爲首搶擄之兇夷嚴拏懲辦俾其畏威帖服並飭將擄去之難民牲畜各件一律繳出清還給屬領回完聚再行妥爲撫綏庶幾知懼知威免致時形反側惟據該廳營文武稟稱

此次出巢之夷係馬邊烏拋夷匪殊屬含混查馬邊夷支
出巢竄至該廳境內必由峩邊夷地經過峩邊夷人如果
毫無妄爲何以不行攔阻致令竄越是此次夷匪即使果
係馬邊夷匪亦必峩夷句結所致顯然可見今該廳管文
武具稟情形難保非本廳夷人搶掠之後藉名馬邊意圖
嫁禍抑恐該廳管文武有希冀推諉卸過情事必須確切
查明辦理以免兩地夷人挾嫌生心別滋事端而亦可以
儆地方官遇事諉卸之弊臣等現飭委員確切查明據實
稟辦仍一面飛行馬邊廳轉飭該管土千百戶等一併確
查該廳烏拋夷支果否糾衆出巢不准稍涉朦混並卽嚴
飭認真約束該夷毋得出外滋事自干誅戮除將辦理情

形續行奏報外所有峩邊夷匪出巢搶擄派勇勦捕並飭
查明馬邊夷支有無勾結在內各緣由謹會同成都將軍
宗室臣恆訓合詞附片具陳伏乞

聖鑒訓示謹

奏

覆陳司庫歷年減成減平各款無存摺

光緒六年七月十七日

奏爲查明川省歷年扣減文武養廉暨各項減平銀兩已湊解京協要饒及奏撥本省防勦經費例支各款勢難再扣再減司庫無從另籌恭摺據實覆陳仰祈

聖鑒事竊

臣

前准部咨欽奉

上諭戶部奏籌備饒需一摺其專提養廉減成銀兩及催提減平銀兩各條或循名核實或申明舊章均可次第施行著照所議辦理仍將如何辦理情形趕緊妥籌定議據實覆奏等因欽此欽遵行司籌議聞旋准戶部咨催飭將歷年扣存未解平銀趕緊委解其挪移之款亦令次第籌還報解等因復經飭司速籌去後茲據藩司程豫詳稱遵

查川省歷年支放各款道照部章扣收二兩平一款每年約收三萬一千兩至三萬五六千兩前已造報至同治七年止添扣六分平及核減役食二成一款每年約收銀五萬四千餘兩前亦造報至同治七年止武職養廉餼乾等項免搭官票大錢減扣六分平一款每年約收銀六萬兩前已造報至光緒元年止均陸續湊解京餼及各省協餼分起奏明其自同治八年起至光緒五年止計收二兩平銀三十六萬餘兩添扣六分平及核減二成銀五十九萬餘兩又自光緒二年起至五年止計收武職俸廉等項免搭官票減扣六分平銀二十四萬餘兩除歷年奏明分撥京餼淮餼及甘肅伊犁哈密貴州雲南各省協餼銅本

等項共應存銀三萬五千餘兩亦歸入本年協撥案內湊解復查文武各官養廉照章核減三成二成一成不等文職自咸豐三年起年收三萬三千餘兩武職自咸豐五年起年收二千二百餘兩截至光緒四年止共收養廉減成銀九十一萬九千七百餘兩除逐年湊解京餉工程西征新餉甘餉等項銀一十四萬九千二百兩外墊撥本省兵餉防費及歷年鹽茶奏銷案內不敷額支雜款共銀七十三萬九百五十餘兩應存司庫銀三萬九千餘兩儘數歸入光緒五年奏銷案內造報茲奉部催飭將從前造報湊解軍餉案內減平減成銀兩速議籌還解部係爲籌餉固本起見如果川庫實存有項曷敢稍涉推諉惟查歷年已

收減平銀兩均已分解京外要餉並非川省支用減成銀兩除抵撥京協各餉外雖有分撥本省防勦經費暨奏銷項下不敷例支之款均逐年詳明奏咨報部尤非私自挪移溯查川省額征賦稅自咸豐以前本屬入不敷出必賴鄰省協濟至軍興後鄰省協餉不至復由川省撥濟各省軍餉每年不下二三百萬兩於是津貼不足兼辦釐金釐金不足又辦常年捐輸彼時因本省防勦喫緊復援甘援陝援滇援黔征軍四出供億浩繁各營欠發勇餉積至二三百萬迨後鄰省軍務平定欠餉分年找清裁減勇營十分之七適值楚省規復淮綱川鹽壅滯邊計鹽務墮廢過久截羨釐金逐年短欠爲款極鉅前任鹽道不知補救至

光緒三年冬間始蒙奏借鹽本開辦黔邊鹽岸四年冬間又借本開辦滇岸按年添解滇黔兩省抵捐餉項二十五萬餘兩其借運鹽本尙須分限歸還又值宜漢洋關盛行子稅單免征內地釐稅關稅釐金亦日形短絀又以捐輸已久民力拮据逐年減辦較同治年間已少十分之五就司庫近年歲入之款計之其正款僅止地丁稅課等項一百三十餘萬兩此外津貼銀五十餘萬捐輸七八十萬幸年來整頓釐金諸從核實較前共入貨鹽釐金銀一百三四十萬綜計入款不過三百八九十萬除去本省滿漢官兵俸饗文武各官養廉臺藏屯防各費共銀一百五六十萬兩又各路防邊兵勇口糧極力撙節尙須銀八九十萬

兩僅餘銀一百三四十萬兩以爲協濟京外各饒之用而近年奉撥京外各饒每年總需銀二百五六十萬兩以入抵出尙短十之四五戶部及各省疆臣奏咨嚴催幾無虛日中外協饒迫不及待厯任藩司點金乏術不得不隨時騰挪湊解濟急需而免貽誤本年復奉撥東北防費銀十七萬兩烏魯木齊饒銀十二萬兩青海王公俸銀一萬八千有奇已較前數年撥款多出三十萬有奇縱多方兼籌尙難照數撥解若再將已解京饒協饒之減成減平銀兩另行籌解部庫則從前司庫已經扣發之款萬無再扣再減之理卽云另籌補解而當此撥款遞年加多縱極力另籌亦恐不敷現時急用安能再籌補解舊款所有厯

年扣收減平減成各項銀兩由該藩司查明已撥已解實在銀數開具簡明清單詳請奏咨前來臣復查戶部原奏籌備饟需各條均爲規復財源綢繆未雨起見所關甚重內如催墾荒捐票本核關稅整釐金查交代核奏銷停工程減折價各節中外兼賅雖非盡屬川省之事臣竊以爲凡職所當爲力所能爲俱應預爲籌度實心整頓前已將川省辦理情形逐條據實稟陳在案惟減平減成各銀兩向由歷任藩司彙收存庫分案詳解歷年旣久案牘紛繁臣連日迭飭清釐籌辦現據藩司程豫查明歷年扣收減平減成銀兩業已分解京饟協饟及奏撥防勦經費暨鹽茶奏銷案內不敷例支之款分年分款開呈清單臣核與

歷年奏咨各案撥解款數相符委非虛飾此時若飭將已解已用早經奏銷之京協各饌提回解部勢必有所不能若責令該司將支發多年之養廉各款再照部章重複扣減亦覺有乖政體實亦無款可扣且川省因頻年奉撥各省營協饌過多歲入之款不敷歲出之款已至百數十萬兩現在百端核實計較已不遺餘力若復別開利孔格外搜求轉傷閭閻元氣非特微臣所不敢爲卽揆諸部臣力籌饌源之本意亦大相刺謬臣於接准部議後與藩司再四熟籌其中萬難再行扣解情形實不敢掩飾於

君父之前自滋罪戾惟有仰懇

天恩俯念川省從前扣收減平減成各款已全數撥解京

外要需藉以維持大局均經歷次奏咨動用有案現無存
款准予開除免解仍由臣嚴飭藩司自光緒七年春季爲
始將此項減成減平銀兩另款存儲分年悉數解部不准
再有截留借撥以裕部庫而昭核實出自

聖主逾格鴻慈除將藩司詳送節年撥解要餉銀數清單
分咨軍機處戶部查核外所有查明司庫減成減平兩款
均已撥解無存無從另籌緣由理合恭摺據實覆奏伏乞

皇太后

皇上聖鑒訓示謹

奏

川鹽濟楚未能卽停仍減引辦理片

光緒六年七月十七日

再查禁楚復淮之議經部

臣迭次奏奉

諭旨嚴飭照辦前兩江督

臣

沈葆楨亦首以此爲急務迭

經籌議整頓淮鹽包認釐餉意以爲復淮之舉若有不俟

終日者在部

臣

及前兩江督

臣

籌念大局至費苦心

臣本

年二月內接准部咨以具奏禁川復淮有關課餉請

旨飭下兩江川楚各督

臣

迅速籌辦等因查原奏內稱查

川鹽行楚當時原祇暫爲通融故於官不計考成於商不

報名姓邊計套搭混雜難稽其閒重照影射重觔夾帶百

弊叢生迄今久假不歸商竈旣便其私圖官吏且倚爲利

藪是不獨南離大受其害實並爲川鹽之巨蠹尤不可不

早爲禁絕等語

臣

以楚岸本淮鹽引地

成憲昭垂不容紊越況現經部

臣

及兩江督

臣

竭力籌辦

大局不可不顧

廷旨不可不遵部議不可不從禁川實屬要務但川鹽自
濟楚以來爲日既久井竈日添而且從前定例富場原應
配行邊引故每竈多燒巴鹽少煎花鹽以資轉售今因濟
楚一行該廠井竈大半多燒花鹽其煎巴鹽者不過十之
一二今若議禁楚復淮必先將該廠井竈所出之鹽籌出
銷路又必爲行楚之商號覓路營生方爲妥協是以

臣自

三年到川後卽極力籌開黔滇邊岸冀爲該廠各商竈籌
畫銷路使鹽有售處雖濟楚停止商竈仍各安生理不致

歇業苦累期爲萬全之策幸自官運開辦以來滇黔引路漸通每年所行邊引計已可抵從前濟楚之數從此逐漸疏通川鹽銷路日寬淮岸自可漸復所以爲川淮商竈計者無善於此近因兩淮認包釐餉尙無定局楚岸本未卽刻停止詎富廠奸猾利徒時藉楚鹽刻卽停運之說以惑弄商號爲射利之計而商人聞此謠言不察虛實遂謂卽日停楚爭相搶買囤積冀停楚後可以獲數倍之利不顧成本之輕重不計銷路之寬窄誠恐囤積過甚鹽觔壅塞必爲販戶把持不至折本歇業不止且鹽觔囤積在楚者日多一旦眞能復淮則銷行不及不惟川商受累無極卽淮鹽亦必阻遏不行

臣

因念鹽價日增目前之商本旣蹙

後來之辦理殊難不得不預爲之計以期面面兼顧因於
本年二月內以禁川復淮如因鄂饑一時無著則濟楚自
未可卽停乃查照前兩江督臣沈葆楨函商減引行楚以
爲釜底抽薪之法奏請於行楚引張每月准驗配七八百
引以示限制漸定復准張本庶

朝廷諭旨及部臣奏議均可以次遵辦其時富廠又有以
六月卽行停楚之說捏造謠言廣爲散布愚弄商人而商
人爲其所惑不察虛實羣起爭購以致居奇擡價變化百
端殊不知濟楚本未卽停若不明白曉示限制一任奸徒
影射愚弄將來商鹽成本過重楚岸銷路只有此數勢必
至鹽觔充塞受人把持貴買賤賣則折本歇業自在意中

臣職司鹺政不能不體念商情因於具奏之後卽將現議川鹽每月限行七八百引之數一面行知示諭俾各商知卽時停止濟楚之說係屬謠言不致受人惑弄並令各商竈知行引有定數亦可免彼此爭購致令井戶居奇惟昨准部咨以川鹽之浸灌淮岸者有增無減若非停運川鹽則淮銷終無起色若徒酌減引數恐官鹽雖減私鹽更增有損於楚無益於淮等語是欲將川鹽概行停止實爲正本清源之論第此時鄂釐無著濟楚尙未能卽停而射利之徒乃因以藉端搖惑使商人貪多搶買致楚岸愈囤愈多銷路必滯商本虧折情殊可憫且鹽積太多卽將來禁楚定局川鹽旣經壅積淮鹽不能暢銷似亦未爲得計又

况川人多謠若停楚之成規日久不定致廠竈之浮議日久愈多卽官運購配黔滇各岸亦因此諸多牽制部臣所云濟楚不停不獨南漕受害實並爲川鹽巨蠹者誠爲洞燭隱情可否請

旨飭下部臣查照再行核議如濟楚現時未能卽停仍請查照臣酌減引張以示限制之奏暫爲通融辦理俾行引確有定限則浮議不能惑人井戶自無從居奇商竈亦不致折本俟日後復准一定楚鹽旣少囤聚淮岸自可暢銷實爲兩全之策是否有當謹附片具奏伏乞

聖鑒訓示謹

奏

查衆野番滋事派員查辦片

光緒六年八月十五日

再裏塘交界地方有下瞻對所轄查衆野番一支其人兇悍強橫向難馴服咸豐年間該野番疊次出境搶劫裏塘土司帶兵往拏被其槍斃經前督臣先後派員勦辦初未痛加懲創該野番自知不容於衆遂降於中瞻對附和工布朗結爲逆迨後中瞻對被藏兵勦平地歸達賴喇嘛該野番復降於藏歷年由藏派委番官彭饒巴帶兵戍守瞻對隨時鈐制該野番尙知畏懼後因月派接戍之番官若康撤約束稍寬該野番舊態復萌肆行糾擄裏塘境內土民糧食牲畜以及漢塘官馬甚至逼勒裏塘所管木拉石番民三百餘戶歸彼屬下致土司等忿極不甘本年七月

初旬臣等接據阜和協副將況文榜署打箭鎗同知李忠清稟據裏塘正副土司德讓江錯更登丹批並四家曲宗喇嘛等譯稟稱伊等因查采野番屢次欺陵擄搶不堪其苦已調集土兵數千分作兩支欲與野番打仗該野番亦聚兵抵禦稟請作主並據裏塘守備馬文英報同前由等情轉稟前來臣等當查裏塘糧員章紹曾已於本年三月委赴雲南中甸交界會審夷案尙未回臺接管糧員何焜亦尙未到任僅守備馬文英一人料理恐難蒞事兼值駐藏幫辦大臣維慶正由裏塘進藏深慮稍有疏虞隨飛飭李忠清酌帶漢土弁兵一百名兼程馳往彈壓查辦旋據李忠清報稱六月二十九日抵裏查悉該土司喇嘛帶兵

一支已於六月十五日與查彖接仗獲勝擒斬野番二十餘人並收回木拉石番民三百餘戶仍屬土司另有一支往攻查彖巢穴相持未下李忠清當經選派番民敬信之呼圖克圖分往切實開導令兩造迅速罷兵聽候查辦並探聞若康撒亦派藏兵三四十騎來與兩造和解等情臣等以查彖野番從前頻年搶奪逼勒番民固屬頑梗而裏塘土司喇嘛等並不先稟請示辦理輒擅自調兵攻擊亦殊藐玩現經李忠清派人前往開導該土司喇嘛已否遵諭息兵尙無確信雖蠻觸相爭事所恆有設因此尋衅不休釀成邊患貽害非輕當卽會商揀委候補知府楊福萃酌帶親兵六十名並阜和營弁二百名星馳前往裏塘會

同該處糧員何焜等相機籌辦設法解散諭令兩造罷兵
靜候分別持平查辦以靖邊荒一面由五百里飛咨駐藏
大臣色楞額嚴飭藏酋飛行戍守瞻對番官若康撒將查
索野番認真約束不准妄行滋事自干誅戮除辦理情形
容再續行具奏外所有裏塘土司喇嘛調兵攻擊查索野
番現在派員查辦緣由謹會同成都將軍宗室臣恆訓附
片具陳伏乞

聖鑒謹

奏

黔省鹽稅各款由川徵解片

光緒六年八月十九日

再黔邊鹽務上年改辦官運因黔省凋敝之餘鹽釐過重
有礙銷路當經奏定每年四川認解黔釐銀六萬兩計每
引不過攤銀四兩俾成本輕減商販易於行銷冀可漸次
規復舊岸嗣開辦後疊據各商呈稱黔省釐卡雖已裁撤
釐金由川認解而運鹽入黔經過各關卡徵收鹽稅及各
項經費合計每引共須納銀四五十兩不等商力實難支
持懇請咨商裁減臣伏查黔省鹽稅部定科則每年止七
千餘兩惟地方向來瘠苦又經兵燹之後辦理一切撫綏
善後事宜如各處舊設書院義學孤貧義助棲流所育嬰
堂報資站費硝磺工本緝捕經費修河修路以及塘卡哨

房等項經費均須籌款羅掘爲難不得不設法徵收藉資挹注第不議裁革則成本過重加以官吏需索書役留難各商畏阻不肯運鹽直入腹地銷售荒廢口岸終不能一律開通於川省引課旣多停積亦於禁川復淮大局有礙若盡予裁革則黔省各項經費均無所出地方公事又無從措手三月間臣與貴州巡撫臣岑毓英在赤水晤面再四籌商並核算黔省各項經費每年需用實數計連稅銀七千兩每水引一道須共徵銀十兩始敷分撥議卽於川鹽入黔之永仁綦涪四岸按引總徵解黔一稅之後黔中各關卡概不准分釐重徵需索留難庶能涓滴歸公不致別生弊竇第此項收數雖較以前裁減三分之二然必須

出自各商情願始能照辦若商情稍有不順卽不能稍事
抑勒當飭唐炯傳集各邊岸商號到局公同妥議該商等
深明大義僉以爲現議收數較前已減去大半黔省地本
瘠苦若不稍資商力地方公事亦難辦理商等具有天良
豈敢不思急公遂各欣然樂從頗形踴躍今試辦兩月銷
引較多鹽價亦減商民毫無閒言並據各該商情願永遠
遵守官運並現議稅釐一切章程辦理呈懇唐炯詳請具
奏立案以資恪守臣等查現在時勢艱窘官吏之浮收亟
宜嚴禁而辦理地方一切亦實有不能不稍爲變通之勢
但商情一有不便諸事卽滯礙不行今鹽稅復歸定章而
各項經費又照從前裁減三分之二且不受各關卡需索

刁難商人暗中多獲便宜是以羣情大順爭先領運以期
深入行銷使黔民得以食賤而黔省辦公經費有著亦不
至動形掣肘自可永遠遵行至徵收稅釐及各項經費既
議由四岸總收本應由黔委員辦理惟現屬試辦一切情
形黔省委員或不能熟悉現議仍由川局代爲徵收分解
勿庸輾轉以免商情疑懼所有會同妥議黔省總徵鹽稅
及各項經費銀兩商號樂從試辦兩月均無異議各情形
謹會同貴州巡撫

臣

岑毓英合詞附片具奏伏乞

皇太后

皇上聖鑒謹

奏

勦辦我邊夷匪並勦捕雷波野夷摺

光緒六年九月初二日

奏爲派員勦辦我邊出巢搶掠夷匪迭次獲勝現經分別辦理勦撫並另調勇營勦捕雷波句串野夷各情形恭摺具陳仰祈

聖鑒事竊

臣

等前將我邊夷匪出巢搶掠派勇勦捕並飭

查馬邊夷支有無句結各緣由附片奏明隨於本年八月初九日專差齎回原片內開軍機大臣奉

旨知道了著卽飭令派出之員確切查明並令馬邊廳轉飭該管土司一併確查認真究辦毋任稍涉朦混欽此欽遵轉行各廳營一體查辦去後伏查夷性犬羊最易反覆全在地方文武隨時妥爲控馭庶相率馴服不致生心

臣

等前於拜摺後查明義夷此次出巢滋事係由文武官撫馭失宜並非馬邊竄入現將該廳通判楊銘營參將倪天元撤任另委候補通判姚建寅儘先副將彭炳輝接署廳營篆務並令會同前派泰安武字兩勇營認真妥辦前據楊銘等報稱六月初一日夷匪在城外之觀音巖捆擄初七初十等日又竄核桃坪劉家溝捆去男婦多名燒燬民房碉堡勢甚披猖臣等以姚建寅等均係新任必得明幹大員督同籌辦方能得力查有管帶達字左營補用知府張世康紀律嚴明夷務熟悉當飭率領所部勇丁前往督同相機勦撫又因夷地林深箐密路道紛歧必須四路兜截勦捕方不致落空復調壽字右營遊擊何炳元率勇馳

往與泰安武字兩營暨廳營哨弁兵勇均歸張世康調遣
以一事權茲迭據張世康稟稱查明義夷十三支惟胄扭
雅紮別挖等支族類極繁向多滋擾並探悉句串雷波廳
烏拋等支生夷乘閒夥同搶掠當卽審度地形距廳城六
十里隔河之化林坪羊腸一綫地勢極險爲夷匪出入咽
喉化林坪以外蠻寨聯絡必先扼其出巢之路而後勦辦
乃有把握隨派隊前往分營扼紮遂有哈什等三支聞風
震懼由附近團約繳械投誠張世康察其歸順真心分別
犒賞給示令安住牧一面派泰安中營副將林叢文暨署
參將彭炳輝率兵勇由左路進紮梯子巖大礮臺各隘口
堵截胄扭各支派武字副前營總兵唐珊峰暨遊擊李飛

龍率廳營各勇由右路進紮龐兒埂鵝項頸各隘口堵截
別挖各支張世康督隊居中策應搭造浮橋攻雅紮堅巢
七月二十七日渡河夷匪呼號蜂湧而來我軍槍礮環施
轟斃兇夷三十餘名傷匪百餘名該夷被創奔竄墜巖落
澗數百人張世康督勇直前立將化林坪險要占據並將
營壘登時築成該夷失險叫譟疊爭各兵勇密排槍礮四
面轟擊卽紛紛潰退八月十一日左路林叢文等督隊進
勦團包山夷匪約數百人由山半突出有騎馬夷酋二人
揮眾直前拒敵署雙溪汛千總王春芳率馬兵王經緯羅
天元及各兵奮勇直前攻擊立將夷酋二人生擒到營復
殺斃兇匪三十餘名帶傷十數名餘皆向深林奔匿汛弁

戴占標復擒獲悍夷一名訊名木雞牟扭搖千供認屢出
燒搶不諱當在軍前正法十二日張世康督隊前攻忽山
腰中突出蠻匪數百矢石齊飛各兵勇奮不顧身縱橫直
進斃匪十餘人匪勢不支千總朱國祿遇一兇悍夷酋持
矛刺貫左耳該千總裹創血戰遊擊李鴻順乘勢進前將
該夷酋矛桿挽住遂將該夷砍斃夷眾全行奔潰十四日
右路唐珊峰暨千總羅占魁薛占鰲賴占虹由白沙溝搜
勦又傷夷匪數名並生擒夷娃夷婦五名連日計殺斃悍
匪約三百餘名奪獲氈衣木弓弩箭刀矛七百餘件救出
難民七十餘人陣亡勇丁孫國壽七名兵勇帶傷者十餘
名夷匪漸知畏威多欲投誠等情前來臣等以夷人慣技

恃其山深路險專以埋伏見長每遇官軍輒不戰卽退及官兵乘勝跟追而四山之埋伏猝起往往受其傷害自須各營步步環攻方能遏其竄逃得以大加懲創當諭張世康聯合各營層層接應務將該夷匪設法痛勦使其力蹙勢窮自行帖服然後准其投順以冀日久相安正批飭聞接據駐防雷波經武營提督邵永齡署普安營參將周興祿署雷波廳通判趙席珍稟稱涼山野夷庚紫烏拋阿忽各支約數百人前於七月內因戕邊夷匪勾結由沙灣老林出擾經兵勇出擊斃匪五名救出難民十餘人又竄大漢汎山王廟燒燬民房多間傷斃團丁八名邵永齡等各督兵勇擊退突於八月初六七八等日有夷酋木姑糾匪

二三千人竄至廳城附近一帶邵永齡等一面防守並派
總兵周勝得向集梧千總毛廷魁軍功許洪順等分帶隊
伍出城勦擊木姑率匪撲近城下向集梧直前抵禦被木
姑拒傷左項復忍痛揮刀力擊砍傷木姑肩臂周勝得等
繼進立將夷酋木姑生擒回營向集梧傷重逾時陣亡各
夷見該頭目被擒登時驚潰四散官兵乘勝跟追殺斃兇
夷七八十人該夷匪退出城外三十餘里之牛喫水地方
因目前兵勇不敷分布請兵添勦等情當經臣等會商飭
令提督銜補用總兵李培榮統領所部壽字各營剋日馳
往督同該廳營認真勦辦並飭該文武悉聽李培榮調度
俾免意見參差復令隨時知照峩邊各營互相勦擊迅速

藏事已於八月二十一日率隊啟行臣等查夷匪野性難馴貪利無厭其平日皆以捆人搶掠爲事又多恃其地居荒遠山箐叢密易於藏身官兵勦捕多不能及故往往一股滋擾羣夷卽從而附和迨官兵勦捕前進事急則請命投誠事過則又潛出肆擾此其積習戕邊雷波與馬邊各夷緊連夷人性情欲令懷德先使畏威故必於生亂之夷嚴加誅戮歸化之夷加意撫綏俾其畏而知感地方庶期安謐臣等惟有督飭各將弁分別相機勦撫以期服柔伐叛又安邊境仰慰

聖懷除行馬邊文武防營一律嚴防並俟張世康李培榮將以後籌辦情形具稟續行奏報暨此次陣亡弁兵應候

事竣彙案請卹外所有派員勦辦我邊夷匪迭次獲勝並
調勇助勦雷波廳夷匪各緣由謹會同成都將軍宗室臣
恆訓由驛四百里具陳伏乞

皇太后

皇上聖鑒訓示謹

奏

時局多艱敬抒管見摺

光緒六年九月二十三日

奏爲時局多艱事機宜審謹就

微臣

管見所及籌畫情形

恭摺密陳仰祈

聖鑒事竊查俄人以伊犁之約未經准行陰蓄狡謀冀填
慾壑本屬意中前

特派曾紀澤赴該國會商議辦刻未知議論若何近自八
月以來外間屢聞俄人有向各國借銀五千萬兩以作兵
費並有鐵甲兵船多隻在粵閩各海面停泊游駛有漸入
北洋之語川省僻處西偏虛實未能確探第以俄人用心
很鷙此次發難殊屬可慮五中憂憤寢饋難安用敢審察
時勢殫心籌畫稍冀有裨大局敬爲我

皇太后

皇上陳之臣維禦敵之道其審端在於知己知彼其作用在於蹈隙乘虛方今俄人恃其強梁動輒構兵議者觀其情形謂彼必與我戰此尙未深明敵情者也臣以爲俄人此次之事其居心仍欲與我和耳其所以借饟徵兵張大聲勢者特係故作一戰局挾以爲脅和之具此實俄人之慣技而亦中國所深忌者也我於此若直以論戰則俄人轉謂我失信恃強必將羞惱成忿而兵連禍結日後之事未易轉圜臣愚以爲此時仍當故爲說和以緩其目前暴厲之氣而特不可輕以定和以折其日後覬覦之心且俄人注意在以戰脅和而我亦必以戰制和以與之抵持第

能持之稍久當可於難解之中得善解之法故戰事斷不可不備而尤不可不嚴備蓋俄人必謂我之不敢戰故動言戰以怵我我之戒備不嚴則窺我形勢單弱必將出死力以與我爭設使其一爭而勝事益費手此閒關繫閒不容髮

臣

愚以北洋爲津沽門戶而津沽又爲

畿輔藩籬竊計此時之事要以西路新疆爲輕而東北路海面爲重東北路之中又以東三省爲稍輕而津沽山海關爲最重俄人揣我所忌固必趨赴東北直達津沽以思一遂狡謀

臣近窺

朝廷布置先已令李鴻章扼守津沽極爲喫重而黑龍江吉林各省亦經安置有人近又以曾國荃扼防山海關是

東北防局可謂悉臻周密然臣鯁鯁過慮者則以我注重
津沽所有布防之兵全在該處一面而俄人進逼津沽其
後路毫無牽制則津沽僅以一面制敵此外全屬空虛似
非萬全之策也或云俄人得力全在海面後路焉能設兵
不知俄人恃海面爲駐兵之地以圖進取迨其進取要非
離海登陸不爲功夫其離海登陸之處卽是俄人後路亦
卽是津沽前路今俄果與我議戰勢必徑犯津沽使津沽
以前無兵則俄人舍舟登陸其後路卽可脫然得以全力
制我而津沽之勢孤至於機勢緊迫而後別調他兵以相
援姑無論山海關之防其勢萬不能分顧卽使勉強分顧
而山海關爲其掣動俄人又得乘虛扼我要隘分兵旁擾

而津沽之勢愈以難支此誠得失關頭毫釐千里決不容
誤臣愚以爲現在津沽山海關之防旣經籌布更須於津
沽以外查明俄人由海登陸之地擇要屯紮勁兵二三萬
人以作俄人後路旁擊牽制之師如其進逼津沽則李鴻
章之兵扼其前而後路牽制之師或截其後或抄其旁使
彼有腹背受敵之虞而我得前後互擊之勢庶津沽之防
不致遂成孤注而俄人亦斷不能遽犯津沽但能力持數
月令其師久自老則戰事旣不至失機卽和事必易於爲
力似爲計之得者也惟臣竊有慮者俄人果欲用兵總以
力犯津沽爲上策若其後有旁擊牽制之師則進不得逞
其狡謀勢必將我後路屯紮之師悉力攻擊以去其所忌

是後路屯紮之兵轉獨當俄人之衝其勢本屬喫緊而其局實覺寬舒惟洋人堅忍悍驚如其併力於此則非尋常能戰之將可戰之兵遽能勝任伏乞

皇上慎加揀派並將

臣

所陳情形局勢速行

密飭軍機大臣暨李鴻章等詳細審度奏明辦理切毋以

臣

言爲迂不勝迫切懇款之至至

臣受

恩深重才智疏庸當此多事之際

宵旰備極焦勞而

臣

乃安處西陲不能竭智效忠以稍分

主憂於萬一負心抱咎無地自容現在情勢若何傳聞未足爲據而局勢隨時更變實爲憂心此時惟冀事機順手如果稍形緊迫伏乞

迅賜諭旨臣卽當簡率精銳刻期兼馳以赴事機力維大

局決不敢稍形委靡坐貽

君父之憂至臨時一切餽事臣當預行籌措不敢上煩

宸廑拳拳愚忱惟祈

俯鑒所有微臣籌畫現在局勢情形是否有當謹恭摺由

驛五百里密陳伏乞

皇太后

皇上聖鑒訓示謹

奏

黃林材游歷回川片

光緒六年九月二十三日

再臣前以西藏密邇印度英人占據獨吉嶺加意經營尤與藏衛逼近曾奏派江西歲貢生黃林材游歷印度察看形勢繪畫輿圖以資考證奉

旨允准在案經總理衙門照會英國公使給發護照黃林材隨於光緒四年七月由成都啟程行至巴塘因番人攔阻遂由番地繞至雲南中甸經麗江大理永昌各府至騰越廳出關過野人山人緬甸國境至蠻暮新街附輪船沿金沙江而下過緬甸阿瓦都城以達漾貢海口又附輪船行六晝夜抵東印度孟加拉僑寓該處隨復乘坐火車游歷各境北至獨吉嶺東北至亞山東至達喀姑斯替西至

厄納特亞加拉得希等城西南至孟買信地等部五年九月由阿拉干唉家亞航海回至濠貢徧歷南洋檳榔嶼麻六甲新嘉坡諸島暨安南西貢等埠由香港入口本年六月回抵成都銷差繪成五印度全圖一冊譯出印度博物院所藏西域回部圖一冊四川至西藏路程雲南至緬甸路程圖各一冊所著游歷芻言一卷西徼水道一卷除咨送總理衙門存覽外查該貢生於天文輿地算學俱研精有年經前江西學臣許庚身奏保在案此次游歷所至輒用西法測算如川滇徼外雅魯藏布江及瀾滄潞江龍川檳榔諸水道因隔野番山寨人迹罕到中西輿圖多所沿誤黃林材親履其境頗多考正其所譯西域圖參考中土

各家圖志究悉古今沿革所有慈嶺東西天山南北裏海
鹽海諸部落形勢並俄人新建鐵路電綫之類略用顏色
區別亦極精審至其經歷雪山天險野番山寨瘴霧毒癘
之區往往旬日不見人煙晝不粒食夜卽露宿其堅忍耐
苦之概尤堪嘉尙相應仰懇

天恩俯念微勞足錄准予獎敘所有江西歲貢生黃桂林
請以國子監學正選用其隨同游歷繪圖之文童裘祖蔭
請以典史留於四川補用出自

逾格鴻慈謹附片具奏伏乞

聖鑒訓示謹

奏

勦辦我雷夷匪獲勝分別勦撫摺

光緒六年十月二十三日

奏爲官軍分勦我邊雷波兩處夷匪大獲勝仗分別勦撫
恭摺馳陳仰祈

聖鑒事竊臣等前將派員勦辦我邊出巢夷匪疊次獲勝
分別辦理勦撫並另調勇營勦捕雷波句串野夷各情形
由驛具奏茲於本年十月初四日遞回原摺內開軍機大
臣奉

旨另有旨欽此同日承准軍機大臣字寄光緒六年九月
十七日奉

上諭該處夷匪疊次滋事必使之懷德畏威方可安其反
側著丁寶楨飭令張世康李培榮等認真勦辦分別良莠

勦撫兼施並飭該處地方文武一律嚴防妥籌辦理毋稍大意等因欽此

臣

等跪誦之下莫名欽服當卽恭錄

諭旨宣布各營暨該文武一體欽遵照辦

臣

等前於拜摺

後迭據委辦裁邊夷務管帶達字左營補用知府張世康稟稱裁夷自經八月半前痛勦後卽有蜚爪馬家窺西等支陸續畏罪投誠惟雅紫胃扭別挖各支恃其人衆力強據險負隅並聞有再勾涼山野夷拒敵之信張世康以該夷狡譎異常非大加懲創不足懾其氣而服其心且恃其化林坪一帶路險巢深官軍未能深入計必招募熟諳山徑土人用資引導免中埋伏包抄以期制勝當於八月二十三四等日先籌墊經費挑選鄉導五六百名分給各營

卽派左路泰安中營副將林叢文署戡邊營參將彭炳輝分率勇兵由大礮臺進紮沙堆關校場壩派右路武字副前營總兵唐瑋峰管帶廳勇遊擊李飛龍分率各勇由龐兒梗進紮乾溪坪魚兒坪蘿葡坪張世康由中路化林坪進紮梨兒灣跑馬坪剋期激勵勇丁層層埽盪並派管帶壽字右營遊擊何炳元分哨屯紮距鎮遠營二十餘里之團寶山平壩等處游隊扼防爲後路策應派參將倪天化帶領營兵以顧運糧要路九月初一日達字營遊擊李鴻順都司駱宗保帶隊由梨兒灣進攻熱水堅巢悍匪數百人潛伏山腰矢石如飛各勇槍礮齊施轟斃三四十名更有兩溝伏匪繼起衝突駱宗保等分頭力戰連斃兇夷百

餘名賊始奔潰我軍乘勝跟追落澗墜巖者二三百名縱放火箭噴筒焚燬蠻房一百餘間初四日守備冷洪高都司吳占才督隊由跑馬坪進攻鍋圈巖該處一綫羊腸蠻酋麴聚有雅紫悍酋連梗胄扭悍酋搭涼各糾黨六七百人潮湧而來木石弩箭勢同雨下我軍勇氣倍增鏖戰數時斃匪二百餘名該夷分數股拚命拒敵冷洪高骹受矛傷又被巨石擊傷左膀皮開肉綻猶裹創血戰砍斃兇酋連梗勇丁楊鴻順劉得慶等生擒兇酋搭涼乘勢追殺又斃匪五六十名值李鴻順等帶勇攀藤附葛繞出鍋圈巖前路拋擲火蛋焚燒蠻房二百餘間該匪見官軍擣其巢穴勢不能支俱竄入老林而逃李鴻順等立將該險要奪

據收隊屯營其左右兩路林叢文唐珊峰等亦各連日出
隊斃匪二百餘名並生擒別挖悍酋鐵腳兒正法計連日
陣斃夷匪五六百名奪獲刀矛弩箭三百餘件救出難民
三十五名陣亡勇丁十三名受傷五十餘名分別恤賞醫
調其呆得蒲雞哈兒等支見我軍勇悍難當心膽俱落自
願繳械輸誠此外雅紮等各支尙形負固張世康現已督
兵深抵夷寨擬再督飭各營奮勇進攻此張世康勦辦
夷之實情也又據提督銜補用總兵李培榮稟稱九月十
一日馳抵雷波查得烏拋阿忽等支與峩夷雅紮胃扭狼
狽爲奸而所糾涼山吳奇石租各野夷甚爲獷悍此番出
巢焚擄甚多殺掠亦衆飽載而還恐羣夷相率效尤且查

雲南永善縣所屬之副官村金沙江與雷波處處毗連時有匪徒出沒尤慮該夷乘機勾結更易滋蔓因查雷義各邊山深箐密路徑紛歧夷匪恃爲天險每於山徑叢雜之處多設埋伏兵勇一經深入輒易迷惑失道爲其所敗是以向辦夷務必須多招鄉導步步照應乃能得力臣等因令李培榮招選本地及金沙江一帶精壯可靠熟悉夷巢之人千餘名分交各營作爲鄉導以期深入進攻力破堅巢奪其所恃然後可以震懾其心隨派經武營提督邵永齡都司謝文瑛各率勇三哨進紮黑角馬頸子防賊旁竄派副將張占鼇楊斌率勇四哨由滇岸金沙江直越猓子村繞出明子楨山梁遙爲援應以遏賊後李培榮親督各

營進紮該夷出沒之三稜岡居中調度土司楊德壽被夷
匪擾害甚深志在復仇選土練數百名隨軍效用並派普
安營弁兵及廳勇分紮夾夾石仁溝汎以顧糧路分撥已
定二十二三兩日遊擊汪期紳副將李修德總兵劉鎮湘
由三稜岡進取丁家坪田家壩各隘口該處地勢雄峻巢
穴如林該匪見我軍初到乘其安營未定蜂擁來撲汪期
紳等帶勇直前槍礮環攻斃賊四五十名匪勢不支紛紛
敗竄立將丁家坪夷巢攻克趁勢立營二十四日都司黃
仕明帶熟習路徑鄉導復由三稜岡小路繞越田家壩直
撲長河壩生擒夷匪五名斃賊三十餘名乘勝焚燬蠻棚
二百餘間其時田家壩之賊見官軍逼近於二十五日黎

明糾集三四千人分投拚命撲營喊聲震動林谷汪期紳等帶領鄉導率隊分投迎敵刀矛相接往來鏖戰三時之久夷匪佯退汪期紳知有埋伏密飭黃仕明千總洪成炳分帶鄉導另由小徑繞出焚燒蠻棚以亂其心賊見煙焰四起驚惶無措黃仕明回軍掩殺兩面夾攻斃賊一百餘名餘猶拚死抗拒李修德劉鎮湘等乘勝直前邵永齡從旁橫出截爲兩斷復斃匪二百餘名生擒十八名賊勢大卻我軍賈勇直向卡隘衝殺忽見卡內火起則張占鼇楊斌兩隊已將後路攔截該匪見腹背受敵紛竄狂奔立將田家壩賊卡攻克乘勝前驅又將羊子橋一帶堅巢踏平計連日殺賊四五百名落澗墜巖死者亦數百名奪獲蠻

刀弓弩矛桿五百餘件生擒二十三人解營訊明正法救出男婦難民四十二名口分別資遣勇丁亦傷亡三十餘人查明月報此李培榮勦辦雷波夷匪之實情也臣等查歷辦各邊夷務叛則勦之降則撫之原期羈縻懷柔不忍盡加誅戮誠如

聖訓當分別良莠勦撫兼施惟該夷反覆無常旋撫旋叛已成錮習若不先示以威而遽懷之以德則野性難馴兵勇一撤又將生事百姓受害實深自非大張撻伐未易一勞永逸業經批令張世康李培榮等將現在畏罪投誠各夷多張示諭結以恩信厚加撫綏俾安住牧而資觀感一面督同各將領將負隅抗拒之夷匪一鼓作氣歷險奪隘

穩慎進攻總使之畏威乞降再行妥爲安撫現探悉該夷
匪頗覺窮蹙再能認真勦擊一二次兩處夷匪即可俯伏
輸誠然後宣示

朝廷寬大之恩相機收撫勒令繳出捆擄搶掠之難民財
物並捆獻滋事兇夷妥議定章分別安置以仰副

聖主訓示周詳軫念邊陲至意再署雷波廳通判趙席珍
於該處蠻匪蔓延滋擾疏於防範業已將其撤任另委候
補同知王寶書前往署理合併聲明謹合詞繕摺馳陳伏
乞

皇太后

皇上聖鑒訓示謹

奏

野番句串瞻夷攻圍官寨查辦情形片

光緒六年十月二十三日

再臣等前將裏塘土司喇嘛調兵攻擊查衆野番派員查辦緣由附片奏陳在案茲於本年十月初七日承准軍機大臣字寄光緒六年九月二十四日奉

上諭著恆訓丁寶楨卽飭派出員弁妥爲相機籌辦設法解散一面選派番民敬信之呼圖克圖分往切實開導務令兩造罷兵聽候查辦並著色楞額維慶嚴飭戍守番官若康撒認真約束以弭衅端等因欽此遵卽恭錄分別咨行欽遵照辦臣等前於拜摺後隨飛札裏塘糧員何焜趕緊到臺任事會同營弁嚴諭該土司喇嘛不准開仗一面飛飭委員候補知府楊福萃兼程前往相機妥爲查辦毋

任蠻觸相爭釀成邊患旋據楊福萃陸續稟稱九月初二日馳抵打箭鑪探悉裏塘土司等業經遵諭回臺詎查衆野番恃瞻對爲護符抗不遵照句結番官若康撒色空賽等於八月二十日糾集瞻夷三四千直抵裏塘東路之大竹卡西路之曲奎桑營官壩等處連營駐紮兇燄甚張二十四日及九月初旬四出搶劫疊次攻圍土司官寨勒索土司印信要求重賄方允退兵該土司出兵抵禦互有傷亡復分三路直撲臺垣適有巴塘專派軍功三人齋遞駐藏大臣拜發奏摺一匣行至熱水塘被野番殺傷大路梗阻楊福萃聞報以所帶弁兵力薄難資彈壓隨會商阜和協副將况文榜打箭鑪同知李忠清添調土兵一百名另

募親兵一百四十名連前派弁兵共計五百名星夜由鎭起程九月十六日行距裏塘一百二十餘里之西俄洛地突遇野番二百餘人假冒夾壩踞山吶喊攔截楊福萃督率弁兵排隊齊放洋槍轟斃十餘名始行潰退軍火等項並無遺失等情前來並據何焜李忠清巴塘糧員嵇志文各稟報大致相同臣等查裏塘土司喇嘛與查条尋仇購衅一經開導卽遵約束該查条野番本屬野性素慣搶擄茲復句串瞻夷糾衆妄爲撲圍官寨臺垣並傷齋捐差弁實屬凶頑法難寬宥該番官若康撒等附和肆兵滋擾尤爲無理橫行惟該野番等此次恃強犯境總由土司喇嘛擅自興兵攻擊致啟爭端現在相持日久若不設法撫綏

先行遣散不特邊地土民遭其蹂躪更恐臺垣亦有疏失
關繫匪輕當經批令楊福萃迅速前進督同該塘文武察
看情形妥爲解散再行分別持平查辦如果該野番抗不
遵諭始終拒敵卽飛報察核由臣等酌派勁兵相機懲辦
現一面飛札况文榜挑備得力官兵五百名札明正土司
挑選精壯奮勇士兵一千人預備整齊聽候調遣先示聲
威俾該野番聞風斂戢並飛咨駐藏大臣嚴飭藏酋迅將
若康撒等撤回究辦另派曉事番官接戍瞻對以遏亂萌
至巴塘所派摺差果否因傷殞命摺匣曾否遺失已飭楊
福萃等確切查明如果失落卽稟報咨由駐藏大臣補繕
奏陳至現在欽奉

諭旨令相機籌辦臣等現又添派委員趙光燮前往會同楊福萃並射箭鑪同知李忠清等妥籌辦理臣等惟有督飭該委員糧務等悉心籌畫剴切開導各番曉以利害務令解釋仇怨迅速撤兵番衆聽候查辦不桂妄爲自干誅戮以期邊境乂安設該番衆恃強不服仍行搶奪攻寨自非稍示懲創則犬羊之性愈肆兇橫臣等當再詳審機宜斟酌辦理固不可輕議加兵亦不敢稍涉疏縱用副

朝廷綏靖荒服至意除辦理情形續行奏報外所有查衆野番句串瞻夷圍攻官寨臺垣殺傷摺弁暨現飭查妥辦緣由謹會同附片具陳再正繕摺間復接楊福萃來稟該員行抵裏塘時目擊番兵情勢甚覺披猖卽經諭令該番

等迅速撤回聽候查辦乃候至兩日竟無一人前來隨復飭派阜和營通事李朝富暨文生楊福益直赴該番營婉爲開導不啻再三該番兵等只允暫不開仗至欲令退兵則必須瞻對番官索康色信到始能照辦等語查係實在情形當復專弁星夜馳往瞻對札調索康色來裏聽候查辦現在該番官索康色已遣專弁施澤王懷義二人先行回裏報稱定於十月初一二日親至裏塘聽候辦理視此情形似尙不難解散等語

臣查查衆野番雖素極橫霸搶掠爲生然此次敢於攻撲臺垣官寨擾入內地實倚瞻番爲護符現在瞻番索康色旣願到塘聽候查辦則查衆已無所恃辦理自易就範

臣等現已批飭楊福萃於索康色

到塘後剴切諭導令其迅將瞻兵卽行撤回再爲查明查
衆與裏塘滋事各情秉公辦理以靖邊地而免兵端容俟
續有稟報再行恭摺具奏合併陳明伏乞

聖鑒謹

奏

夔關短徵額稅由宜漢兩關劃抵摺

光緒六年十二月二十三日

奏爲會議夔關免徵額稅請照宜漢兩關每年所收出入川省子口半稅銀數開除奏銷恭摺具奏仰祈

聖鑒事竊

臣等前准戶部咨會同總理各國事務衙門議

覆夔關驗放洋票過多照章免稅免釐短徵愈鉅擬請核實辦理一摺令查明此免彼徵確數據實會奏無涉兩歧至洋稅定則較常稅本屬輕減並令約計每年夔關免徵常稅若干核之宜漢兩關稅則應征洋稅若干查明數目奏報核辦等因當經 臣瀚章 臣寶楨分飭遵辦去後旋據江漢關監督道員何維鍵宜昌關監督道員董雋翰會詳遵查華洋各商運洋貨入川及辦土貨出川海關與夔關

稅則輕重懸殊彼此徵免之數本不能符合况洋貨入川先完宜漢兩關子稅而後過夔關其預領宜漢兩關運照報單由川運出之土貨則又先過夔關而後完子稅宜漢兩關征稅之日與夔關免稅驗放之日既屬先後參差勢難隨時核對數目至稅則之輕重宜漢兩關係徵子口半稅而夔關則照科則全征本係兩歧實屬無從比對惟有將宜漢兩關光緒三四年征收入川洋貨並出川土貨各子稅銀數繕具清摺檢同海關稅則詳咨川省核辦等情又據管理夔關稅務知府黃毓恩詳查夔關近年驗放洋土兩貨單照以光緒五年爲最多計是年共免稅銀十五萬七千餘兩各商趨利若鶩此後日新月盛更難預計

經征之員實無力賠此鉅款惟夔關係免全稅與宜漢兩關僅收半稅銀數既不相符彼徵此免月日又先後互異銀數斷難一致該府再四籌維若照夔關每年全免銀數劃抵宜漢兩關之稅則免多徵少未免上虧庫帑惟有按照宜漢兩關每年實收入川洋貨出川土貨稅銀數目作夔關免稅數目則兩省事歸劃一辦理較為核實除光緒四年以前夔關短徵稅銀已由經征之員賠解足額分年奏銷不計外應請自光緒五年正月爲始變通辦理伏查宜昌關開報光緒五年分徵收入川洋貨出川土貨半稅銀一萬一百二十三兩一錢三分九釐江漢關開報五年分徵收入川洋貨半稅銀六萬四千九百三十兩四錢二

分兩關共收半稅銀七萬五千零五十三兩五錢五分九釐夔關卽照此數作爲光緒五年分免徵之數於奏銷時據實開除俾關員稍輕賠累計夔關每年額征正餘稅銀十八萬三千七百餘兩光緒五年開除宜漢兩關預徵子口半稅銀七萬五千零五十三兩有奇尙應徵解額稅銀十萬零八千六百餘兩以後開除宜漢兩關每年征收川稅之外川省再不能徵解足額卽責成經徵之員賠解庶國課仍無出入而夔關已免之稅不至虛懸無著等情由司道核議明確詳請奏咨前來臣等覆查近年夔關免徵之稅卽係宜漢兩關已徵之稅該司道等議請照湖北宜漢兩關所收子口稅銀實數劃作夔關免徵之數免於川

而徵於鄂既於

國課絲毫無損與通商章程條約均無違背臣等往返咨商似應如詳辦理相應請

旨敕下戶部暨總理各國衙門會覈議覆自光緒五年正月爲始所有宜漢兩關每年所收川省出進口半稅儘數抵作夔關免徵之稅由鄂開單咨川按年奏銷所有臣等會議夔關免徵額稅請照宜漢兩關所徵出入川省半稅銀數開除奏銷緣由除分咨外謹合詞恭摺具陳伏乞

皇太后

皇上聖鑒再此摺係臣寶楨主稿咨商臣瀚章臣祖賢核

定會同拜發因川鄂往返路遠不及會印合併陳明謹

奏

奏稿卷二十

五

我邊夷匪肅清摺

光緒六年十二月二十八日

奏爲勦辦我邊夷匪疊破堅巢殲除首逆各支一律就撫
我境肅清恭摺馳陳仰祈

聖鑒事竊臣等前將官軍分勦我邊雷波兩處夷匪連獲
大勝分別勦撫情形具奏旋於十一月十八日承准軍機
大臣字寄光緒六年十一月初六日奉

上諭卽著飭令該官兵等實力進勦務將滋事兇夷設法
殲除所有勦撫機宜及善後各事該將軍總督務當隨時
酌度悉心規畫妥慎辦理期於一勞永逸等因欽此仰見
聖慮周詳臣等莫名敬服謹卽恭錄行知各營暨兩廳文
武一體欽遵照辦先是臣等查閱我邊輿圖知鍋圈巖以

外之金巖溪爲悍夷膺聚堅巢實異常險峻自道光同治年閒迭次用兵均未破及該處是以雅紮等支盤踞猖狂有恃不恐若非痛加懲創不足以制其兇焰當經函諭張世康相機勦撫去後續據該員稟稱自銅圈巖獲勝後九月十三等日遊擊李鴻順等各率兵勇由蘿蔔坪分路繞出別立洗高巖村三戰皆捷殺斃夷匪四五百人焚燒蠻房六七百間遂有烏拋蜚爪窺西別挖白窺落底馬家哈吶別色等支震懼求撫均認捆獻兇夷清還被擄難民繳呈軍械歆血上班張世康察其真切分別撫綏惟雅紮胄扭胆巴三支負隅不服且到處勾約夷匪拚力抗拒張世康以前路伏莽搜剔已盡定計進取金巖溪老巢卽派總

兵唐珊峯由別立洗母豬灣攀藤附葛轉入金巖溪山後
派遊擊李鴻順等徑趨巖灣子直逼金巖溪前面張世康
督勇分投策應均於十月十八日四更起行將及天明唐
珊峯親率弁勇偷進後卡遙聞槍礮聲震知前路得手登
時拋擲火蛋噴筒將後卡蠻房焚燬都司駱宗保等截住
山梁分飭隊伍起伏環攻李鴻順率千總王大元等乘勢
先登兩面夾擊陣斬雅紮冑扭著名首逆三羊兒扭扭子
二名匪衆紛紛潰敗我軍乘勝跟追殺賊五六百名墮巖
落澗死者無數奪獲槍礮刀矛弓箭鐵牌千餘件牛馬豬
羊數百頭燒燬蠻房七八百間踏平碉卡二十餘座救出
難民六十餘名弁勇傷亡四十餘名立將金巖溪老巢攻

克雅紮胄扭等支退遁老林十一月初四日復派總兵喻仁傑副將林叢文等分攻挪落姑巢穴又斃匪三四百名焚燒蠻房二百餘間該夷等勢蹙力窮遣人納款察其屬實勒令獻出被擄難民准其歸降飭具木刻並繕給投誠免死告示令持往涼山一帶互相招集因道途寫遠至十二月初八十二等日各夷始奔走偕來張世康卽大張軍威督同該廳文武各營將弁於熱水營次曉以利害反覆諭導此後務當格心向化毋再滋擾自取滅亡各夷首環跪俯伏咸稱此後悔悟誓不再叛卽令飲血歃盟各鑽牛皮賞以鹽酒布疋並將厯次陣擒之夷婦夷孩悉交領回各安住牧皆踴躍歡欣而去計前後繳出逃出難民男婦

九百六十餘丁口均分別資遣回籍張世康卽將夷漢交涉條約參酌向章安爲籌議稟候核示等情前來伏查我邊蠻匪此次構兵倡亂燒殺搶擄勢極鴟張而雅紫胄扭等支實爲禍首遠近皆能號召兼以該夷地山深林密路徑紛歧深入進攻易爲所困經臣等檄調張世康等各率所部馳往勦辦一戰於化林坪再戰於錫囤巖匪勢已覺不支尙敢負隅抗拒因有金巖溪之舉查金巖溪乃該夷腹心重地從前兩次用兵傷亡兵勇極多圍攻不下遷就了事兼有渠魁三羊兒扭扭子等兇橫獷悍擒斬尤難幸仗

天威遠播將士用命勦撫兼施殲除首要用兵未及五月

遂使內外十四支蠻眾十餘萬人乞命歸附我邊全境肅清此實臣等所不及料現已批飭張世康等仿照馬邊成案將建碉築堡看路保哨責令黑夷上班及遴選土目添設土兵數大端悉心規畫次第舉行爲一勞永逸之計用副

聖主軫念邊隅至意此次在事將領員弁出險入深大小二十餘戰備歷艱辛出師於蠻煙瘴雨之天奏捷於積雪堅冰之地功深戰苦與用兵腹地不同謹擇其異常出力者籲懇

天恩先行鼓勵其餘尤爲出力員弁可否容臣等查明彙案請獎出自

逾格鴻慈所有勦辦我邊夷匪疊克堅巢殲除首逆各支
一律就撫我境肅清緣由謹合詞恭摺由驛五百里馳陳
伏乞

皇太后

皇上聖鑒訓示再雷波夷匪迭據李培榮稟稱節次攻勦
大獲勝仗現在匪勢實形窘蹙投誠甚衆並有從未歸化
之涼山以內各支夷酋均亦震懾軍威各攜婦女詣營歸
服勦撫甚爲得手容報肅清再行馳陳合併聲明謹
奏

攻克查衆裏塘肅清摺

光緒六年十二月二十八日

奏爲官軍勦辦查衆巢穴殲擒首逆收回侵占各戶口裏塘一律肅清恭摺馳陳仰祈

聖鑒事竊

臣

等前因查衆野番勾結瞻夷圍攻官寨臺垣焚殺搶擄勢頗鴟張將查辦情形附片具奏十一月十八日承准軍機大臣字寄光緒六年十一月初六日奉

上諭卽著檄飭委員諭導該番官將瞻對之兵撤回一面將滋事各情秉公查辦務令兩造帖服永弭衅端等因欽此謹卽恭錄咨行欽遵照辦

臣

等前於拜摺後迭據委員

知府楊福萃稟稱十月初一日瞻對番官索康色到裏謁見舉止言語極爲狂悖楊福萃先責之以大義繼撫之以

溫語令其撤兵不准附和該番官狡詐支吾遲延三日僅將兵退紮臺垣山後仍暗支查衆首逆工卻得且達馬貢大等帶領千餘人日肆滋擾楊福萃以查夷此次勾結外番恃橫無忌非示威無以懾其心卽索康色亦不知倣隨派都司張洪得千總馮漸遠等帶弁勇三百名屯紮拉捕地方密令正副土司調集土兵約期攻擊初六日查逆四出焚掠張洪得等會合土兵前後截勦斃賊多名軍功李朝富奮勇當先刺殺工卻得且割獲首級達馬貢大等紛紛潰散連夜率衆敗歸三寨始將寨垣圍解瞻番乃陸續撤回惟索康色尙帶三百餘人盤踞裏塘要求賞需楊福萃多方駕馭賞茶六百包該番官仍復逗遛楊福萃因密

諭該弁兵等不准擅動軍械但揚言如敢抗拒卽行攻擊並聲稱已調阜和明正漢土官兵不日卽到懾以聲威索康色聞風惶懼始於十四日徑帶查衆首逆格桑登舟工布朗杰札祿工呷三首犯逃回瞻對楊福萃以查逆被該番官帶回則查裏構衅之事無憑訊辦不得已一面將各處被難土民酌發銀兩撫卹一面調毛了崇喜曲登三處土兵一千數百名派都司楊福恆張洪得等帶領分攻上下兩寨而自率弁兵進圍中寨二十八九等日三路齊集先行大張示諭准其投誠免罪詎達馬貢大等乃敢率黨抗敵楊福恆手執洋槍將其擊斃我軍乘勝槍礮環施各番見逆首殲除羅跪寨前泣稱均係各土司部民誤被煽

感情願悔罪歸誠不敢再叛楊福萃察其真切許以不傷一人卽令引官軍入寨搜捕餘逆贖罪旋據張洪得等各擒獲索朗江策札朶阿葱丹者汪學喜札此日及格桑登舟之子汪清工布汪杰之弟成勒以業吳則江策等十餘首犯回營訊明分別辦理並飭弁兵將寨內圍牆及碉樓十餘座概行折毀三寨一律蕩平木拉石數百番戶仍來歸土司管轄其投順各番楊福萃先恐嚇以同惡共濟必加誅戮之言而密令各土司代求恩貸邀懇再三方飭核實造冊將其領回各安住牧面諭以後務受土司約束不准妄爲均感激歡欣而去楊福萃卽於十一月初八日帶兵折回裏塘籌辦善後等情先後具報前來

臣等查查朶

野番原係裏塘部落其始不過數十家历年逼脅土民遂多至一千七八百戶自咸豐初年卽恃其獷悍強橫冒充夾壩搶劫爲生嗣又投附工布朗結黨惡助逆歷經前督臣派員辦理率皆敷衍彌縫愈縱愈驕毫無忌憚本年裏塘土司喇嘛調兵攻擊實亦忿極使然並非無故尋仇詎該野番更串瞻夷圍攻官寨臺垣實屬異常頑梗若不相機懲創將來擾亂益深自楊福萃督同兵弁斃匪多名而查逆膽寒擊退瞻夷而番官氣沮帶兵進取礪寨悉平遂使索朗江策等咸擒授首木拉石番戶仍隸裏塘該野番從此或可冀其安靜且從前每次查辦糜費總在七八萬金此次楊福萃體念時艱力求撙節且辦理迅速用銀不

過二萬數千兩尤爲事半功倍臣等現飭該員務將善後事宜悉心籌畫議明條約永遠遵行並令嚴諭各土司將投順各番加意撫綏不准陵虐苛斂別釀衅端一面飛咨駐藏大臣轉行商上勒令索康色迅將帶回之格桑登舟等三逆交出歸案究辦以杜後患並將該番官索康色撤回治以越境滋擾之罪另派曉事番員接戍以期邊地乂安至委員鹽運使銜卽補知府鼓勇巴圖魯楊福萃不辭艱苦於冰天雪地中藏功安速洵屬勤勞卓著相應仰懇天恩准其俟補缺後以道員用並賞換清字勇號出自

逾格鴻施其餘出力員弁可否容臣等擇尤酌保以示鼓

勵所有官軍攻克查衆巢穴殲擒首逆裏塘地方一律肅清緣由謹合詞由驛五百里具奏伏乞

皇太后

皇上聖鑒訓示謹

奏

請飭駐藏大臣勘明內地疆域劃界立碑片

光緒

六年十二月二十八日

再查中瞻對地方自上年工布朗結爲逆經藏兵勦平適值川省軍興饒需告匱無以償藏中兵費遂奏明將此地賞歸達賴喇嘛由藏派番官前往戍守在達賴喇嘛渥荷天恩原不敢夜郎自大卽藏酋商上亦莫不就我範圍惟所派番官鮮知大義以爲得此重地與我抗衡遂每肆鴟張漸恣蠶食如從前之彭饒巴勒令曲登土司投誠每年納丁銀五十兩近年西北兩路之孔撒朱窩魚口德蓋及裏塘屬之阿巴三村竹巴籠五村各頭目土民畏索康色兇燄勉強歸附納賦當差而且內地夾壩逆番盡以瞻對

爲逋逃之藪該番官旣縱令肆行搶劫又袒庇爲之護符
一遇有事臺員土司等慮開邊衅不敢過問卽或稟報咨
藏行查不但累月經年毫無端緒並敢抗詞推諉奸狡不
承遂致跋扈強橫日甚一日至此次竟敢大肆猖獗稱兵
犯境圍攻臺寨焚殺百姓據此情形已成邊荒隱患幸楊
福萃辦理尙爲得法有以戢其兇志以後或可相安惟臣
等以爲欲杜侵陵之漸必嚴疆界之分溯查雍正年間前
川陝督臣岳鍾琪等會勘界址奏明以邦太南礮適中之
疑靜山爲界並於喜松工達拉兩山各立界牌且有邦木
係通宗鄂城大道不可使藏界包入川界之議昔人思深
慮遠具有先見茲查瞻對緊逼鎭廳接連內地一自歸藏

節年蹂躪邊氓不堪言狀在

朝廷廣示懷柔原無須旣予復取而界限不清隱憂甚鉅相應請

旨敕下駐藏大臣嚴行商上將索康色撤回後飭令接戍番官約期會同裏塘糧員打箭鑪同知暨各土司等前往勘明何處係內地疆域何處係瞻對地方劃清界址分立界牌以後土司所轄部落番官不得越境通勒滋擾瞻對所管地方土司亦不得朦混侵占如有彼此越界滋事卽惟各所轄之番官土司是問如此嚴爲區分庶土民各安住牧邊隅永息紛爭

臣等一俟奉到

硃批敬當刊刻謄黃徧貼各臺站曉諭漢番人等一體周

知是否有當謹合詞附片具陳伏乞

聖鑒訓示謹

奏